

Na osnovu člana 9. Zakona o federalnim ministarstvima i drugim tijelima federalne uprave („Službene novine Federacije BiH”, br. 19/03, 38/05, 2/06 i 8/06), odredaba Odluke o usvajanju Programa utroška sredstava utvrđenih u razdjelu 17. Budžeta Federacije Bosne i Hercegovine za 2018. godinu Federalnom ministarstvu energije, rudarstva i industrije „Tekući transferi i drugi tekući rashodi – Subvencije javnim preduzećima“, („Službene novine Federacije BiH”, br. 23/18 i 44/18), Federalno ministarstvo energije, rudarstva i industrije o b j a v l j u j e

**PONOVLJENI JAVNI POZIV  
ZA KANDIDOVANJE PROGRAMA UTROŠKA SREDSTAVA UTVRĐENIH U  
RAZDJELU 17. BUDŽETA FEDERACIJE BOSNE I HERCEGOVINE ZA 2018.  
GODINU FEDERALNOM MINISTARSTVU ENERGIJE, RUDARSTVA I  
INDUSTRIJE „TEKUĆI TRANSFERI I DRUGI TEKUĆI RASHODI – SUBVENCije  
JAVNIM PREDUZEĆIMA “**

**I. PREDMET PONOVLJENOG POZIVA**

Predmet ponovljenog Javnog poziva je prikupljanje zahtjeva za odabir korisnika sredstava, u skladu sa Programom utroška sredstava utvrđenih u razdjelu 17. Budžeta Federacije Bosne i Hercegovine za 2018. godinu Federalnom ministarstvu energije, rudarstva i industrije „Tekući transferi i drugi tekući rashodi – Subvencije javnim preduzećima“ (u daljem tekstu: Program), („Službene novine Federacije BiH”, br. 23/18 i 44/18).

**II. PRAVO UČEŠĆA**

Pravo učešća po ponovljenom Javnom pozivu imaju javna preduzeća (preduzeća u kojem Federacija Bosne i Hercegovine ima udio u vlasništvu u iznosu od najmanje 50% plus jedna dionica) sa sjedištem u Federaciji Bosne i Hercegovine i preduzeća u poteškoćama ili u stečaju, čija je osnovna djelatnost vezana za sljedeće sektore industrijske proizvodnje:

- Metalna, elektro i automobilska industrija,
- Industrija građevinskog materijala,
- Drvna, papirna i grafička industrija,
- Proizvodnja tekstila, kože i obuće,
- Hemijska industrija i industrija gume i plastike,
- Namjenska industrija,

te da zapošljavaju najmanje 50 zaposlenika, osim za preduzeća koja su u stečaju.

Javna preduzeća kojima su dodijeljena sredstva Odlukom Vlade Federacije Bosne i Hercegovine o izboru korisnika dijela sredstava utvrđenih u razdjelu 17. Budžeta Federacije Bosne i Hercegovine za 2018. godinu Federalnom ministarstvu energije, rudarstva i industrije „Tekući transferi i drugi tekući rashodi – Subvencije javnim preduzećima“, V. broj: 1244/2018 od 25.10.2018. godine („Službene novine Federacije BiH”, broj 86/18), ne mogu aplicirati za dodjelu preostalih sredstava po ponovljenom Javnom pozivu.

### **III. SVRHA DODJELE GRANT SREDSTAVA**

Dodjela sredstava odnosi se na finansiranje neizmirenih obaveza preduzeća samo po osnovu doprinosa za PIO/MIO, zaposlenicima koji ostvaruju uslove za penzionisanje do dana podnošenja zahtjeva Federalnom ministarstvu energije, rudarstva i industrije po Programu.

Odobrena sredstva su grant sredstva. Sredstva se dodjeljuju u cilju rješavanja socijalnog statusa zaposlenika, kroz penzionisanje.

### **IV. KRITERIJI ZA IZBOR KORISNIKA**

Korisnici grant sredstava po ponovljenom Javnom pozivu su javna preduzeća sa sjedištem u Federaciji Bosne i Hercegovine i preduzeća u poteškoćama ili u stečaju čija je primarna djelatnost definisana djelatnostima proizvodnje u sektorima navedenim u tački 2. ponovljenog Javnog poziva, te da zapošljavaju najmanje 50 zaposlenika, osim za preduzeća koja su u stečaju.

U cilju objektivnog ocjenjivanja, Komisija za selekciju će dodatno razraditi kriterije za izbor korisnika. Neki od posebnih kriterija, koja podnosilac zahtjeva mora zadovoljiti, su slijedeći:

1. Broj radnika koji će biti penzionisani;
2. Broj zaposlenih u preduzeću;
3. Pri izboru korisnika, vodiće se računa o ravnomjernoj zastupljenosti korisnika s cijelog područja Federacije Bosne i Hercegovine.
4. Prilikom formiranja liste sa imenima zaposlenika iz istog preduzeća, a koji ostvaruju pravo po ponovljenom Javnom pozivu i Programu, prednost će imati zaposlenik sa ranijim datumom sticanja prava na penziju.

Napomena: svaki član komisije koja se formirana po ponovljenom Javnom pozivu će biti isključen iz postupka dodjele ukoliko se utvrdi da je u sukobu interesa u odnosu na podnosioc prijavu, a podnosioci prijave imaju mogućnost prijaviti sumnju na postojanje sukoba interesa, o kojima će davalac budžetskih sredstava, Federalno ministarstvo energije, rudarstva i industrije, odlučivati pojedinačno po svakoj prijavi.

### **V. SREDSTVA PREDVIĐENA ZA DODJELU GRANT SREDSTAVA**

Sredstva za provođenje Programa utvrđena su u razdjelu 17., ekonomski kod 614 Budžeta Federacije Bosne i Hercegovine za 2018. godinu.

Navedena sredstva su grant sredstva Federalnog ministarstva energije rudarstva i industrije (u daljem tekstu: Ministarstvo) i dodjeljivati će se po raspisanom Javnom pozivu.

Budžetom Federacije Bosne i Hercegovine u 2018. godini, Federalnom ministarstvu energije, rudarstva i industrije, u razdjelu 17. „Tekući transferi i drugi tekući rashodi - Subvencije javnim preduzećima“ obezbijeđeno je ukupno sredstava u iznosu od 1.500.000,00 KM. Kako je Odlukom Vlade Federacije Bosne i Hercegovine o izboru korisnika dijela sredstava utvrđenih u razdjelu 17. Budžeta Federacije Bosne i Hercegovine za 2018. godinu Federalnom ministarstvu enenergije, rudarstva i industrije „Tekući transferi i drugi tekući rashodi – subvencije javnim preduzećima“

(„Službene novine Federacije BiH“, broj 86/18) raspoređen iznos od 1.470.248,85 KM, to je po ponovljenom Javnom pozivu preostalo za raspodjelu 29.751,15 KM.

## **VI. TRAJANJE PROGRAMA**

Program traje do utroška sredstava, a najkasnije do kraja fiskalne godine. Ponovljeni Javni poziv će biti otvoren 15 dana od dana zadnje objave.

## **VII. PROVOĐENJE PONOVLJENOG JAVNOG POZIVA**

Od potencijalnih korisnika grant sredstava se traži slijedeća dokumentacija:

- Zahtjev za dodjelu grant sredstava
- Spisak zaposlenika koji su ostvarili uslove za odlazak u penziju usaglašen sa podacima iz nadležne Porezne ispostave sa datumom sticanja tog prava (najkasnije do dana podnošenja zahtjeva) i iznosom duga po osnovu doprinosa za PIO/MIO, ovjeren i potpisan od strane nadležnog lica preduzeća i nadležne Porezne uprave,
- Aktuelni izvod iz sudskog registra (ne stariji od 30 dana),
- Statut ili odluka/akt o osnivanju,
- Uvjerenje o poreznoj registraciji kod Porezne uprave – ID broj,
- Uvjerenje o registraciji obveznika poreza na dodanu vrijednost – PDV broj,
- Obavjest nadležnog zavoda za statistiku o razvrstavanju prema djelatnosti,
- Lične karte i CIPS potvrde o prebivalištu lica ovlaštenih za zastupanje,
- Izjavu sačinjenu, ovjerenu i potpisanu od strane odgovornog lica preduzeća, kojom se preduzeće obavezuje da će po donošenju odluke od strane Vlade Federacije Bosne i Hercegovine o dodjeli sredstava, izvršiti uplatu ostalih zaostalih doprinosa (doprinosa po osnovu zdravstvenog osiguranja i doprinosa po osnovu osiguranja od nezaposlenosti) i to za zaposlenike za koje se traže grant sredstva,
- Spisak zaposlenika iz matične evidencije aktivnih osiguranika, izdat od strane nadležne službe ne stariji od 30 dana od dana podnošenja zahtjeva (min. 50 zaposlenika, osim za preduzeća koja su u stečaju),
- Uvjerenje da se protiv odgovornog lica za zastupanje podnosioca zahtjeva, ne vodi krivični postupak i nije pravosnažno osuđen za prekršaj i/ili počinjenje krivičnog djela.

Napomena: Zahtjev za dodjelu grant sredstava po ponovljenom Javnom pozivu, može se preuzeti na web stranici Ministarstva ([www.fmeri.gov.ba](http://www.fmeri.gov.ba)).

Svi traženi dokumenti trebaju biti originali ili ovjerene kopije ne starije od 30 dana od dana podnošenja zahtjeva za dodjelu grant sredstava.

## **VIII. PRIPREMA**

Pismeni zahtjev za dodjelu grant sredstava sa potrebnom dokumentacijom po ponovljenom Javnom pozivu, uvezan i poredan po tačkama ponovljenog Javnog poziva, podnosi se Ministarstvu na memorandumu društva, potpisan od strane ovlaštenog lica sa naznakom iz kojeg se industrijskog sektora traže sredstva (Metalna, elektro i automobilska industrija; Industrija građevinskog materijala; Drvna, papirna i grafička industrija; Proizvodnja tekstila, kože i obuće; Hemijska industrija i industrije gume i plastike; Namjenska industrija).

Zahtjev za dodjelu grant sredstava po ponovljenom Javnom pozivu, sa odgovarajućim prilogima i dokumentacijom iz poglavlja VII. ponovljenog Javnog poziva, dostavljaju se preporučeno poštom ili lično u zapečaćenoj, neprovidnoj koverti na adresu: Federalno ministarstvo energije, rudarstva i industrije Mostar, Alekse Šantića b.b. 88 000 Mostar s naznakom: Ne otvarati – po ponovljenom Javnom pozivu za kandidovanje Programa utroška sredstava utvrđenih u razdjelu 17. Budžeta Federacije Bosne i Hercegovine za 2018. godinu Federalnom ministarstvu energije, rudarstva i industrije „Tekući transferi i drugi tekući rashodi – Subvencije javnim preduzećima“.

Na poledini koverta obavezno navesti naziv podnosioca zahtjeva, adresu i kontakt telefon i ovjeriti pečatom.

Podnosilac zahtjeva može izmijeniti ili povući svoj zahtjev, a Federalno ministarstvo energije, rudarstva i industrije mora o tome biti obaviješteno u pisanoj formi. Izmjena ili povlačenje zahtjeva mora biti izvršeno u skladu sa ovim poglavljem. Osim toga, na koverti u kojoj se nalazi obavještenje o izmjeni ili povlačenju zahtjeva treba pisati „IZMJENA ZAHTJEVA“ ili „POVLAČENJE ZAHTJEVA“.

Povrat dokumentacije se vrši isključivo na pismeni zahtjev podnosioca.

Odluka o izboru korisnika grant sredstava se objavljuju u „Službenim novinama Federacije BiH“ .

Ovaj poziv ostaje otvoren petnaest (15) dana od dana posljednjeg javnog objavljivanja, a objavliti će se u “Službenim novinama Federacije BiH” i dnevnim novinama “Dnevni avaz” i “Večernji list”.

Neblagovremene prijave neće biti uzete u razmatranje.

Pitanja u vezi sa ponovljenim Javnim pozivom i Programom mogu se slati putem e-pošte na adresu kontakt osobe: [jelena.trutina@fmeri.gov.ba](mailto:jelena.trutina@fmeri.gov.ba)

Detalji vezani za podnošenje zahtjeva, osim u ponovljenom Javnom pozivu, mogu se vidjeti i u Programu, objavljenom u „Službenim novinama Federacije BiH“, br. 23/18 i 44/18, kao i na službenoj internet stranici Federalnog ministarstva energije, rudarstva i industrije: [www.fmeri.gov.ba](http://www.fmeri.gov.ba)